

in omni exceptione, quoties & ubicunque libuerit, vel ea, quae sic prohibita sunt, facere: vel quae sic precepta, absque peccato negligere cuivis liceat.

36. Et talis quidem est interna rituum Ecclesiasticorum qualitas & conditio: qui cum ita sint comparati, ut vel benè vel malè vis uti aut non uti possit quispiam. proximum fuerit eorum considerationem instituere, quae ex usu ipso forinsecus illis accidunt.

37. De hoc membro hunc in modum differit *Qualitas externa rituum Ecclesiasticorum.*
Confessio nostra: De talibus rebus admonentur homines, ne conscientiae onerentur, tanquam talis cultus ad salutem necessarius sit. Admonentur etiam, quod traditiones humanae, institutae ad placandum DEUM, ad promerendam gratiam, & satisfaciendum pro peccatis, aduersentur Evangelio & doctrinae fidei.

38. Initio igitur vitium & malitiam contrahunt traditiones Ecclesiasticae, quando sub absoluta & simplicis necessitatis lege, quae immutabilitatis ac similitudinis universalis consequentiam continet, Ecclesiae obruduntur.

39. Talis necessitatis opinio tollit omnem libertatis Christianae usum, in quam per Christum asserti, merito studere debemus, ne ullo pacto, pristino servitutis jugo nos implicari patiamur, sic suadente Apostolo. Gal. 5. 13.

Tales